

برنجی سنه * نومرو ۷ — ۲۴ شعبان ۱۳۳۰

چهارشنبه

۲۵ تموز سنه ۱۳۲۸ — ۷ اگستوس افرنجی سنه ۱۹۱۱

اداره مدیری : قلبلی

محمد زهفی

اشترا بدلی :

برسنه لکی ۹۵ ، آلتی آیلنی ۵۴ غروشدر .

بوسته اتحادینه داخل ممالک اجنبیه ایچون قرق فرانقدر .

ABONNEMENT

un an : 95 piastres و six mois 54 p.

Union postale : un an, 40, six moi, 25 Fr.

Rédaction : Constantinople, Djagal oglou



سر محرر : شهیندر زاده قلبلی

احمد حلمی

محل اداره سی :

جفال اوغلنده « حکمت » اداره خانه سیدر .

حقه مقرون ، اغراضدن سالم افکار و مقالاته صحیفه لر من آچیقدر .

«HIKMET»

Journal ture, quotidienet politique

DIRECTEUR-PROPRIETAIRE :

A. HILMY CHEHBENDER

نسخه سی : ۱۰ پاره در

حقه خادم یومی غزته در

نسخه سی : ۱۰ پاره در

مباحث مفیده

بویوک بر قلبك سانحاتی

افادات ومقالاتی عین حکمت اولان
حضرت حللی به

حضرت :

حکمت آموز اولان جریده کزک ، ملت معظمه مزک استفاده سنه خدمت ایله مکمل باشلا دیغنی کورمه کله دلشادم . سزی بویوک بر صمیمتله تبریک ایدرم . شوقدرکه کوکلم « حکمت » ی ایکی شکنده اسبوعی ، علمی ، تصوفی وفلسفی مقالاتی حاوی اوله رق انتشار ایتیش کورمک ایدر ایدی ؟ . . .

بوانیه مک آتی قرییده حصولی قویاً امید ایدر واذواق وجدانییه متعلق مباحثده افراط وتفریط عقبه لرینه دوشمه یه رک ارشاد ملته اهتمام بویوزما کزی تمی ایلرم .

محترم قارداش !

بوکونلرده فرقه لره منسوب غزته لرک طرفکیرانه مقالاتی وطنک منافع مقدسه سنی هراحتراصه ترجیح ایدن صاف یورکری صیرلانیر . ملته قان آغلاتیور . مجلسک فسختی ضربه حکومت تلقی ایدنلرده آزیمق فدا کارلق وارسه کندیلری خیالنه لرینه کتیره میه جکری موقعره چیقاران جمعیت وملت شایبه دار ایتیمکدن چکینرلر وبالاستعفا ملنسک حقه لرنده ویره جکی حکم عادلانه انتظار ایلرلر !! . . . بورفدا کارلق وبروظیفه درکه سالم وی غرض فکرله دوشون هرمنسوب اتحاد ، اخوان مقبله سندن بالتردد اجراسنی طب و تمی ایلر . اخیراً وقوعولان هجوملر ، انقلابلر جمعیتک علینده دکلد واولاماز . پروغرامنده وحدت اسلامیه و عثمانیه خدمت ایده جکنی تصریح ایدن جمعیت ، ملتک محصله آمالی اولدیغندن حقه ده اسناد اولان غیر محق تجوزاتدن دائماً تبری ایدر . بالکمز جمعیتی احتراسانه خادم ایتک جرآننده مصر اولان اشخاص وذوات معدوده مستحق مؤاخذه وتقییدرلر . ائتلافیونده اعتدالی کوزتملی وکندیسنه یکانه سیاسی معارض اولان اتحادیونه پرنسب وفکر دائره سنده تریه برلسانه هجوم ایلهمیدر . حکومت ککنجه مجلسک مذاکراننده کوستردیکی عصیتی ترک وتعطیل ایدرک بیاننامه سنده وعد ایلدیکی قانونیتدن عدول ایتهمیدر . هرایکی فرقه محتاج تصفیه در . پروغرام ونظامنامه لری تعدیل ایله مک ومشروطیت حقیقیه وبالنجه محیط ملییه موافق اساساتی قبول ایتک واجبه دندر . آرتق غائب ایدیه جک زمان ودقیقه یوقدر . خلاصه مجلس ضربه حکومت معروض اولماق ایچین استغافدا کارلقی ایتملی . بحرانک تسکینی نهیه ونه درلو ائتلافه متوقف ایسه بلا اهل واهال یاییلمالی . غیرت الیه نه نک ظهورندن قورقمالی . بیلمه لی که رأس حکمت مخافة اللهدر . اوچوز میلیون مسلمانی آغلاقمق ، مبعوثان محترمه یه یاقیشماز . قومیت ، جنسیت غیرتی کوره جک حال وموقعه دکلز . ذاتاً اسلامیت یوکا مانعدر . مسلم وغیرمسلم بوطور افراده یاشایان بوتون وطنداشلا رک حقوق حریتیه رعایت دینا وانسانیه فراموشدندر .

ای نور بصر بلاغ سندن

رد یا شرف قبول سندن

بیستیه سوزمه ختامه ویرودوام موفقیت کیزی دیله یه رک سعادت امت وملته دعا خوان اولورم عزیزم اقدم حضرت تلیری .

منسوبین اتحاددن
م . عارف
« حکمت »

آه نور عینم اقدم نه اولوردی سزک شو سانحات عالیجناب . نه کزی بوتون وطنداشلا رمن کورسه ! لکن بز امید وارز که صفوتله چارپان یورکلر ، مهبط عنایات وسانحاتدر . صاف یورکلر وطنداشلا رمن ایسه الحمدلله اکثریت عظمای تشکیک ایدیور . انشاه بوتون اخوان وجدان ، وطن وملت فکرلری نه حریم اتحادک ونه ده هیچ بفرقه نک قبول ایدمه جکی آدملره خدمت فکرینه ترجیح ایدرلر . بوصیحه ارشادی ایلک آتان سز اولدیغکز ایچون وار اولکز قارداشمز .

ف . ا . ح .

* *

۱۹۰۸ و ۱۹۱۲ انقلابلرینک مقایسه سی

[تیسده اوقومشد .]

۱۹۰۸ تموزنده ماکدونیه طاعه چیقان برزمره کزیده نک حاست وحیتی سایه سنده وقوعه کلن انقلاب مسعودایله بوکونکی تبدل مظفرانه یی حصوله کترین حرکت عسکریه آرسنده بیوک برمشاهت مشهوددر .

صوک حرکت ده طبق ۱۹۰۸ قیامی کبی مناستر ولایتده آرانوودلق بطاقلری اطرانده میدان آلمش وقوصوده کی کیغا قبائلک اشتر اکیله توسع ایتمشدر .

سینه لری آتش حیتله یانان ؛ قلبلری اندیشه استقبال وطنله چیرینان برطاقم وطنپوران بدایتده عدلری بلکه یوزی تجاوز ایتین فقط قیمتجه اردولره میدان اوقویان بر آووج قهرمان ایله رسنه ، اوعری ، قورپچه طاغلرینه جقمشلا استانیولک شوکت ظالمانه سنده ، قانی آتشی قوتلرینه قارشی عدالت ، حریت ایسته مکدن پرو ایتهمشدر . اوزمان زمام داران امورک طاعه چیقانلره قارشی اتحاد ایتدکلری وضعیتده ماکدونیا قوای انضباطیه ارکانک صوک حرکت مواجهه سنده اختیار ایتدکلری وضعیتیه بکزر . فقط بالحاضه قوتندن امین اولان حکومت حمیدیه نک قیامک ایلک کونلرده کوستردیکی قوتورسزلق ونیکینی بتون ترکیه یی کندیسندن عبارت عدایدن اتحاد وترقی حکومتک ارنوودلق حرکتیه قارشی اولان قیدسزلقه پک یکزر . بوغریب بر جلوه شئوند . اوت عبدالحمیدک بندکانی ارنوودلق طاغلرنده پارلایان لمعه یی یاریم تدبیرلره ، پاره قوتیله سوندیریه بیلجه جک کچوک بریانغین ظن ایتمشدی . حالوکه بویریانغین دکل برغیر ، برغیر صادقدی . اتحاد وترقی حکومتی ده بونی مملکتده اکسیک اولمایان ناخشنودلردن بخیلرینک بعض ساده دلانک جهال لندن استفاده ایله وبرشی قویارمق املیه پایدقلری بر بلورف صورتنده تلقی ایتدی . اوت حمیدو اتحاد و تربی حکومتلری هر ایکسنده مسئله نک روحنی ، خسته لغک سینی بولاماق غفلته دوشمنشدر . اتحاد وترقی بوعصیانک عسکری سیاسیاتله اشتغالدن منع ایدن بریاننامه ، برقاچ ضابطک عبرت اولوق اوزره تجزیه ایدلسنی ،

بر آز پاره طاغیدلسی کبی طفلانه تدبیرلره اوکی آتیه میه جفتی ادراک ایدمه دی . عبدالحمید ۱۹۰۸ ده ماکدونیه شمس عثمان پاشا ایله بر خفیه آلانی کوندرمشدی . بوقدر یاقین وعبرت آیز بر وقعه تاریخیه دن عبرت آلاماش اولان محمود شوکت پاشاده درت سنه صکره عینی خطایه دوشدی . عصیان بتون بتدایره رغماً آن بآن توسیع دائره ایدیوردی . جمعیت بودفعده ناظم ، عمر ناجی ، ایوب صبری بکلری کوندرمک فکرینه دوشدی . فقط ایشینه اولاجغه واردی .

حکومت حاضره سلامت مملکتی تأمین ایتک زواللی دردی ملتک دوش حیتیه تودیع ایتدیکی وظیفه رهایی استقامت وموفقیت ایله ایضا ایتک ایستیورسه بوقعه لر دن عبرت آلاملیدر .

انتخاب نظامنامه سی

انتخاب نظامنامه سنک اقلیتلرک وکافه عناصرک حقوقی تأمین ایده جک صورتده تعدیل ایدیه جکی وحکومت حاضره نک مخصوصی بر سیاسی پروغرامله انتخاباته اشتراک ایلجه جکنک محسوس بولدیغی وحکومت بصورتله بر فرقه سیاسی تشکیل ایده رک مخصوص بر پروغرام ایله انتخاباته اشتراک ایده جک اولورسه بتون فرقه لر دن حکومت فرقه سنده انتساب ایده جکلرک عددی کثیر بولندیغی تاخیدروموس غزته سنده اوقومشد .

حکومتک تکذیبی

دونکی کنج تورک غزته سی مقرر اولان استیضاحده وکلانک مجلس مبعوثانه کله می حسیدیه سابق مبعوثان طرفندن قاینه یه عدم اعتماد رأی ویرلدیکی یازمش ایدی . حالوکه سابق مبعوثان طرفندن اجرا ایدیلن استیضاح ، حریه ناظرینه معطوف وحریه ناظری دخی استیضاح مذکوره پنخشبه کونی جواب ویره جکنی بیان بویورمش اولوب سابق مبعوثان ایسه استیضاح بازار ایتسی کونی اجرا ایدلسنه قرار ویرمشدی فقط مجلسک سدی حقه ده کی اراده سنیه بازار کونی شرفصا در اولدیغندن ببناء علیه استیضاحه جواب ویرلمسینه امکان قالمدیغندن بالاده کی حوادث تکذیب اولنور .

استغفار

اتحاد وترقی قلوبلرندن صوک کونلرده یوزلرجه کشینک استغفا ایتدیکی قارشی غزته لرده کورلمشدر .

صوفیه سفیری نابی بک

« اذنونا شهر مزده بولان نابی بک دون محل مأموریتیه متوجه شهر مزدن مفارقت ایتمشدر .

خط هایونک تأثیراتی

برصورتی دونکی نسخه مزده درج ستون مفخرت قتلان خط هایونک بالجله محافل سیاسی اوزرنده قوتلی برتأثیر حصوله کتیردیکی جمله استخبارامزدندر .

خط هایونک ، قومیه سیاسته قارشی بر وثیقه ردیه اولدینی سوبله نیور .

فاتح قلوبنده

اولکی اقشام اتحاد وترقی فاتح قلوبنده عقد اجتماع ایدلیدی واشبو اجتماعده نظار سابقه دن

طلعت ، جاوید وحاجی عادل بکلرک اثبات وجود ایلدکلری واجتماع نتیجه سنده ، مجلسک فسختی پروتستو ایچون ، متینغر عقدی قرارلشدرلدیغی خبر آتمشدر .

کامل پاشانی زیارت

انکلتزه مصلحتگذاری مستر مارلیت دون زوالی ساعت اون برده شورای دولت رئیس کامل پاشا حضرتلرینی زیارت ایتمشدر . قارشی غزته لره کوره زیارت واقعه یه براهیت مخصوصه عطف ایدلمکده در .

ذات شاهانه ومجلس مفسوخ

بر منبع مونوقدن استخبار ایدلیدیکنه کوره اولکی کون صدر اعظم پاشا حضرتلری طوب قپو سرای هایوننده حضور ملوکانه یه قبول بیورلدقلری صره ده ذات حضرت پادشاهی مفسوخ مبعوثانک وضعیت غریبه سنده قارشی شدتله اداره لسان بیورمشدر . صدراعظم پاشا کلام ملوکانه لرینی مجلس مخصوص وکلاده بیان ایتمشدر .

اداره عرفیه نک سبب اعلانی

آمرولیتوس غزته سنک محافل حکومتدن استیضاح ایتدیکی معلوماته نظراً اداره عرفیه ، اتحاد وترقی فرقه سی حکومت علینده متینغر ترتیب ایتک ومشروطیتک لغو ایدلیدیکنه دائر بیاننامه لر نشر ایده رک (حقیقی آکلاماز ظن ایتدیکی) افکار اهالی یی تهییج ایتک فکرنده بولندیغی حکومتجه استخبار ایدلیدیکدن دولای اعلان ایدلمشدر .

قوزمیدی اقدینک بیاناتی

اسبق استانبول مبعوثلرندن قوزمیدی اقدی نه ناپاطریس غزته سی محررینه بیانات آتیده بولومشد : اتحادجیلر ، اعیانک قانون اساسی یی خلاف قانون تفسیر ایتدیکی ادعا ایدرلر . پنجه بو تفسیرده هیچ قانونسزلق یوقدر . تفسیر واقع احتمالکه فن تفسیرک مستند بولندیغی اساسات منطقیه مغایردر . فقط مجلس اعیانک تفسیری بر قانون حکمنده در . اتحادجیلر اونوتاملیدرکه کندیلری منازع فیه کایسار مسئله سنده عین صورتله حرکت ایتمشدر .

نشان مراسمی

حیفا قائمقام سابق مرحوم کامل بک کریمه سی ادیبلریمزدن مدیحه کزین خاتم اقدی ایله کنج محررلریمزدن دوقتور علی سها بک نشان مراسمنک کچن پنخشبه کونی اجرا ایدلیدیکنی استخبارایتک . یکی عالمیه صمیمی تمیلریمزی اتحاف ایده رز .

ما کدونیا جته لری

نویه فرایه بره سه غزته سنده اسکوبدن بیلدیریلیور : صرب اختلالجیلری ، احوال وخیمه دن بالاستفاده فعالیتیه باشلامشدر .

قاینه ارکانندن بری ایله ملاقات

— فرانسزجه (لالیبرته) غزته سی مهم نظارتلردن بریخی اشغال ایدن برذات ایله ملاقات

اجرا ایدرک ، مشارالیه بیانات آتیہ مهمهده بولونمشدر !

مبعوثان عادتاً بر جوجق اویونی اوینادی . مجلس اعیانک ۴۳ نجی ماده حقنده اتحادیتدیکی قراردن و مجلس مبعوثانک فسخی آمر ارادهدن خبردار اولدقلرینی کوستره رک اجتماع ایتشدر و قایینه یه عدم اعتماد رأی ویرمک ایسته مشارددر . حالبوکه خلیل بکک بازار کیجه سی مایینه کیده رک مجلس مبعوثانک فسخ اولسنی ذات شاهانه دن رجا ایتدیکنی رفقاسی پک اعلا بیلورلردی .

معلومکنز اولق کرکدرکه صدراعظم پاشا حضرتلری اولکی صباح ساعت سکرده مبعوثان رئیس خلیل بکه بر تلغرافنامه کشیده ایدرک مجلسی بعدالظاهر ساعت برده اجتماع دعوت ایتسنی ، و بواجتماعه فسخ اراده سی قرائت اولنه جقنی بیلدیرمشدی .

مجلس مبعوثان ، اجتماع کلدیکی زمان فسخ قرارندن خبردار اولدیغنی تسلیم ایتک قابل می ؟

فرض ایدلم که مجلس مبعوثان بتسون بو وقوعادن خبردار اولماسین . عجیباً ، اولجه حضورینه دعوت ایتدیکی بر قایینه ونظاردن هیچ بری مجلسه حاضر دکل ایکن ، قایینه یه عدم اعتماد رأی ویرمک نامشروع بر معامله دکل می ؟ بوکی شرائط داخلنده قایینه یی دوشورمک ، مشروطیتیه بر ضربه اورمق دیمکدر .

مجلس مبعوثان قایینه ایله اتفاق ایتسه ایدی حقیقه کوزل ونافع بر تشبث اتخاذ ایتش اولاجقدی . مجلس مبعوثان فسخ ضروری اولدیغنی بیلوردی . بناءً علیه بوکا قاتلامق لازم ایدی . حکومت ایله مملکت کندیسنه منتدار اوله جق ، عمومک مظهر توجهی اولغله برابر آسایشک تاسسنده خدمت ایتش اوله جقدی .

مشارالیه دوامله دیمشدرکه :

اداره عرفیه

اداره عرفیه یی ، تدابیر احتیاطکارانه دن اوله رق اعلان ایتدک . ظن ایدرمکه بوتدیرمزدن طولای بزی هیچ کیمسه تخطئه ایتیه جکدر . زیرا بویه غلبانی زمانلرده ، هرشیدن اول اسایشی تأمین ایتک لازم کلیر . بوکون ، هر زماندن ده جوق محتاج اولدیغمز وفاق واتحادی اهالی یه توجه ایدرک بووظیفه مزده بزه مظهرت ایتک ایسه غزنه جیلره ترتب ایدن برووظیفه در .

اداره عرفیه مدتیجه توقیسی ایجاب ایدن حرکات

۱ — اردوی همایون امرای وضابطان وافرادی حقنده مرته صورتیه اولورسه اولسون نطق ایراد ایتک .

۲ — اردوی همایونک له وعلینده مقالات نشر ایتک وخصوصات عسکریه حقنده مرته صورتیه اولورسه اولسون بیان مطالعه ایتک .

۳ — پولیس مدیریت عمومیه سنه معلومات ویرمکمزین هر نوع اجتماعده بولمق وبالخاصه اجتماعات حقیقه عقد ایتک و فرق سیاسییه قولبلرنده طوبالامق .

۴ — سیاسی فرققلرکله وعاینده سوقاقلرده پروپاگاندا یاقمق .

۵ — مطبعه سی وطبع و نشر ایدن شخصک هوی حق حکومتیه معین اولدیغنی حالده احوال حاضره مملکت ایله سیاست دولت حقنده ولو مستسخرله اولسون اعلانات طبع وتوزیع ایتک و دیوارلره خصوصات مذکوریه عائد یاقته تعلیق ایتک .

۶ — حکومت طرفندن امر ویرلمدکجه علاوه نشر ایتک .

۷ — میخانه و بیرخانلری زوالی ساعت برده قیامق .

۸ — لوقطارلره قهوه و قرائتخانه لری زوالی ساعت اون ایکیده آچیق بولندیردق .

۹ — کیجه لری زوالی ساعت اون ایکیدن صکره سوقاغه چیقمق « معذرت مشروعه ظهورنده بکجیلر واسطه سیله همان الیقین پولیس موقنه ویا دائماً دور وقتیشده بولان دوریه قوللرینه مراجعت ایدیلرک هویتنک تأمین وتظاهرندن صکره مساعدته مخصوصه استحصالی ایجاب ایدر . »

۱۰ — سوقاقلرده خلقي هیجانه ویره جک صورتده قوشیشمق ونعره آتمق .

۱۱ — سلاح آتمق ورخصت رسمیه سز سلاح طاشمق والاعاب ناریه انداخت ایتک .

درساعت وبلادئشه ده باراده سنی حضرت خلافتناهی مرعیتی اعلان اولان اداره عرفیه زماننده اولباده کی قرارنامه نک النجی ماده سیله بخش اولان صلاحیت قانونیه استعمال ایدیلرک جکی وروجه بالا تصریح وتعداد ایدیلان موادک ممنوع ایدوکی بیان اولنور .

برنجی قول اردوی همایون

قوماندانی

فریق

عمریاور

معارف نظارتک نظر دقتنه

وارد اولمشدر :

بوکونکی غزنه لرده معارف نظارتک مسابقلر ایچین یازدینی شرائطده برده لاقلا برسنه اعدادی مکتبیرنده معلمک ایتک لازم کلدیکنی سوبیلور . بزبو شرطی فنا بولویورز . چونکه بورسماً وعلناً نظارتک شمدی یه قادار اولان معلملری حایه ایتهمی ویکیدن معلمک سلکنه کیرمک ایسته یترله قارشق قاپیسنی قاپا ماسیدر . برده مکتب مالیه دیپلوماسی آراماسنی مناسبز بولویورز . چونکه بر آدم مکتب اعدادی مأذونی اولدیغنی حالده فالان ویاقلان فنلرده اختصاص صاحبی اولایلیر . بویکی شرط اولسه عین لیاقت مالک مسابقلر آراسنده مدار ترجیح اولایلمه لیدر . نظارتک بو خصوصه عائد اجرا آتیه انتظار ایله داها اوزاق یلردن ده سابقه یه کیرمک ایسته نلرک اشترا کنی تأمین ایتک اوزره مسابقه نک ۱۱ اغتوسده اجر ایدیه جکنه نظر آتارخ قیدک براز اوزون مدت تمدیدنی آرزو وتمی ایدورز .

خارجی خبرلر

آطلر نه اوله جق ؟

— فرایه پرمسه غزنه سی روما مخابرینه برایتالیان دیپلوماتی بیانات آتییه بولنمشدر : ایتالیا طرفندن اشغال اولان آطلرک عاقبتی نه اوله جنی دولتلری دوشوندیرمه ملی در . ایتالیا

حکومتی دول معظمه یی اندیشه ناک ایدمکک صورتده آق دکز موازنه سنی تبدیل ایتیه جکدر . ایتالیا حکومتک یونانیلرک آمال وحسیاتی اسعاف ایتیه جکنی سونک بیله زاندر .

صربستان بودجه سی

— صربستان حکومتک صولک سنه واردا تنده ۱۰۴،۲۹۹،۶۰۶ فرانق تزیاد کورلمشدر .

آلمانیا ده افکار عمومیه

فرایه پرمه غزنه سنه برلیدن بیلدیریلور : برلین محافل سیاسییه سننده ظن اولدیغنه کوره تورکیه حکومت جدیده سی ، سابق قایینه دن زیاده طرفدار مسالمت اولدیغنی ابراز ایتکده در . حالبوکه حکومت شمدیلک مصالحه عقدندن زیاده مملکتده باش کوستره ن اغتشاشاتی تسکین ایتلی در . مملکتک بوکونکی حالده ، مصالحه عقد ایدیلرک اولور ایسه حکومت مخالف اولانلر ، حکومتک علی العجله برصلح عقد ایتدیکنی سوبایلرک ، بوحرکتندن طولای تخطئه ایدمکک . . . ایتالیا حکومتیه کلنجه اولجه ده اولدیغنی کبی انتظارکارانه بر وضعیت کوسترمکده در .

صربستان حکومتی

فرایه پرمسه غزنه سنده اوقومشدر :

صربستان حکومتی ، ما کدونی احوالک کسب وخامت ایتسی اوزرینه اورپاده بولان باش وکی طریفقویج ایله حریسه ناظری بوطینچی علی العجله بلغراده جلب ایتمشدر .

اسویچرده مذاکرات مهمه

فرایه پرمسه غزنه سنه رومادن تلغرافله بیلدیریلور :

ایتالیا نظار سابقه سنندن برطولانی ایله جنوره قونسولوسی سریمأ جنوره یه مواصلت ایشلردر .

مطبوعات

اوروپا غزنه لری

انتظام عسکریمیزی تقدیر

ومسلمانلری تقدیر

ازمیره اون بش میل مسافده بیسولرک چقلکده اقامت ایتکده بولان (مادام وان همسترا) طرفندن انکلترده بدری میستر (ویطول) ه یازبان بر مکتوبک بعض اقسامی ۲ اغستوس سنه ۱۹۱۲ تاریخلی «The hear East» طرفندن نشر ایدلمشدر . مذکور مکتوبده چقلکک جوارنده آتی هفته دن بری طقوزیک افراد عسکریه اقامت ایلدیکی ، نفراتک حسن حرکت واطاعت عسکریه نقطه نظرندن ستایش فوق العاده یه مستحق اولدقلری ، ضابطانله همان هرکون مناسبات دوستانه ومهماننوازنده بولولدیغنی بیان ایدلکدن صکره شویه برحکایه دخی نقل ایدیلور :

اختیار بروم رفاقنده قیزی بولندیغنی حالده دولی کوی مقرزه سننده کی اوغلنی کورمک کسدر . روم تقریبه برچادرده اقامت ایتکده بولان اون بر ترک قیزی ، چادری پدر وهمشیره سیله یاتمق اوزره روم ارقداشلرینه ترک ایدرک کیجه لیل طیشاری ده اوپورلر . (بارون وان همسترا) مکتوبک نهایتده ده

خسته خانه چادرلریک غایت تمیز و اجزاخانه چادرینک پک مکمل ومنظم اولدیغنی علاوه ایلور .

روسیه مطبوعاتی :

جنوبی روسیه مطبوعاتی دولت عثمانیه نک احوال داخلیه سنی پک وخیم اوله رق تلقی ایتکده و فقط کامل پاشانک یکی قایینه ده بولنسی حسینله بجرانک مسالمنکارانه برصورتده تسویه سندن امید وار اولقده درلر . مذکور غزنه لر ، روسیه نک حکومت عثمانیه نک موقه منززل بولنسندن بالاستفاده بعض منافع سیاسییه تأمین یینده بولندیغنی قطعاً تأمین ایتکده درلر .

یکی قایینه سیاست خارجییه

[نوویه وره میانک لوندره مخابرنن :]

انکلیزسیاسیونی ایله وقوعه کن ملاقاتلرده غازی بخار پاشا ترکیه نک یقین بر استقباله نه اتفاق مئته ، نهه ائتلاف مئته اتحاق ایتک تصورنده اولدیغنی ؛ بتون دولتلره دوستانه مناسبات تأمین ایتک ایستدیکنی و فقط بر جوق اسباب مهمه یه مینی انکلتزه وفرانسه دوستلنی کندیسنجه ده زیاده اهمیتی حائز اولدیغنی بیان ایتمشدر .

ترک — بلغار مناسباتک عسکری و سیاسی بحرانه رغمأخللدار اولق شویه طورسون حق دها زیاده صمیمیت کسب ایتکده اولسی بوراده کمال نمونیتله تلقی ایدیلور . عجله ایدنلرک تضییقه مقاومت ایدن بلغار قایینه نک سیاست مدبرانه سی کتدکجه ترک رجالک مظهر تقدیری اولور .

ایمان

عثمانی طب دارالفنونندن دیپلومالی

کوش صوبی وبک اوغلی ذکور خسته

خانه سی حریه شاهانه و دارالشفقته

مکتبلری

دینی طبیبی

محمد خدایوردی

دیشلر ترقیات حاضره فیه یه تطبیقاً

تداوی وصول سیستم هر نوع

اعمال اولنور

تقریر من و تقریر من عیالور

معاینه زاردن ماعدا هر کون جنال اوغلنده عسکری تقاعدصندوق قارشو سنده یکی دائرة مخصوصه سننده

نسل آتی جمعیت ایدیسنندن :

معامله قیدییه بدأ ایدلیکنندن داخل اولق اوزوسنده بولان مشتاقان ادب چنبری طاش جوارنده آرنارود خان قارشوسنده کی قلوبزه مراجعت ایده یلور .

مدیر مشول

احمد علمی

حکمت

مطبعه سی